


TEZAUUR LITURGIC
15 OCTOMBRIE

SLUJBA
SF. IERARH-
MĂRTURISITOR
ATANASIE
SAHAROV,
EPISCOPUL
KOVROVULUI



MINEIUL PE OCTOMBRIE
MOSCOVA



МЕСЯЦА ОКТОВРІА В 15-Й ДЕНЬ Священноисповѣдника Афанасія, епископа Ковровскаго, песнописца

НА ВЕЛИЦЕЙ ВЕЧЕРНИ

На Господи, возвах: стихіры, глас 8.

Подобен: О, преславнаго чудесе:

Святителю Афанасіе досточудне,/
печальнику земли Русскія,/ преподобному
Сергію ревнуя,/ яко един от ученик онаго
явился еси,/ и любви ради Христовы/ душу за
Церковь Православную положил еси,/ яко
славий добropеснивый,/ святых сродников
наших прославляя, // с нимиже ныне
воспеваеши Троицу Единосущную.

Святителю Афанасіе богомудре,/
страданием за Христа очистив сердце твоё,/
стяжал еси дерзновение неборимое,/ во еже
обличити отступники,/ предания церковная
отвергающія/ и нововведения льстивая
вводящія,/ темже Небо благодарственно прият
тя,/ идеже ныне древа жизни
наслаждаеши, // Христу моляся, даровати нам
мир и велию милость.

Святителю Афанасіе блаженне,/
благоухание Христово явился еси в Церкви

нашей,/ яко сладкопéвец нóвый,/ святы́я, в
 земли́ Росси́стей просия́вша, пёсньми
 велича́я,/ и яко па́стырь до́брый,/ ду́шу твою́ за
 о́вцы полага́я,/ у́зы и го́рькия рабо́ты Христа́
 ра́ди претерпéл еси́,/ те́мже, вене́ц пра́вды
 стяжа́в, // моли́ся дарова́ти нам мир и ве́лию
 ми́лость.

Сла́ва, глас 6:

По вся дни Бо́га ра́ди умерщвляе́мь был еси́,/
 Це́ркве Ру́сския сла́во, святите́лю Афана́сие,/
 вмени́лся еси́ яко овча́ заколе́ния,/ ско́рби и
 тесноты́, гоне́ния и глад претерпева́я,/ и
 испове́дал еси́, яко ничто́же ты возмо́же
 разлучи́ти от любве́ Бо́жия, // я́же о Христé
 Иису́се, Го́споде нашем.

И ны́не, Богоро́дичен.

Вход. Прокі́мен дне. И чтéния.

Премудро́сти Соломо́новы чтéние(главы́ 4,6,7и 2)

Похваля́ему пра́веднику, возвеселя́тся
 лю́дие./ Безсме́ртие бо есть па́мьть его́,/ яко от
 Го́спода познава́ется и от челове́к/ и уго́дна
 Го́сподеви душа́ его́./ Возлюбите́ у́бо, о му́жие,
 му́дрость и поживете́,/ восхо́щите ея́ и нака́зани
 бу́дете./ Нача́ло бо ея́ любы́ и соблюде́ние
 зако́на./ Почти́те премудро́сть, да во ве́ки

царствуєте./ Возвещу вам и не скрью от вас тайн Божиих:/ яко Той мудрости Наставник есть,/ и мудрых Исправитель, и всякому смыслу и делу Хитрец,/ и всем смыслом научит мудрость./ Есть бо в ней Дух разумен и Свят,/ и сияние Света Присносущнаго,/ и образ благодати Божия./ Та други Божия и пророки устрояет./ Благолепнейши же есть солнца и паче всякаго сотворения звезд,/ свету сосуждаема, обретается первейши./ Та угождающих ей от болезней избави/ и настави на стези правыя./ Дадё им разум имёти свят, и сохрани я от ловящих,/ и подвиг крепок подадё им./ Да разумеют вси, яко сильнейши всего есть благочестие./ И никогдаже преможет злоба мудрости,/ ниже прейдет злыя, обличающи суд./ Рекоша же в себе, помысливше неправедно:/ насильствуем праведному, и не пощадим преподобства его,/ ни усрамымся седин старости многолетны./ Будет бо нам крепость закон,/ и уловим праведнаго, яко неугоден нам есть,/ и противится делом нашим,/ и поносит нам отпадение закона,/ и обличает нам согрешения наказания нашего./ Возвещает нам разум имёти Божий/ и отрока

Госпо́дня себѣ именуетъ./ Бысть нам на
 обличѣние помышлѣнием на́шим,/ и тяжек нам
 есть,/ и ви́димъ, яко неподобно инымъ жити́е
 Его́/ и изменены́ стези́ Его́:/ в поруга́ние
 вмени́хомся Ему́,/ и удаля́ется от путе́й на́ших,
 яко от нечисто́т,/ и блажи́тъ послѣдняя
 пра́ведных./ Уви́дим у́бо, аще словеса́ Его́
 и́стинна суть:/ искусимъ, яже сбыва́ются Ему́./
 Руга́нием и му́кою истя́жем Его́,/ да разуме́ем
 кро́тость Его́, и искусимъ беззло́бство Его́:/
 сме́ртию безобра́зною осуди́м Его́, бу́дет бо
 посещѣ́ние от словѣсъ Его́./ Сия́ помысли́ша и
 прельсти́шася:/ ослепи́ бо я́ злоба их, и не
 разуме́ша тайнъ Бо́жиих,/ и не разсуди́ша, яко
 Ты еси́ Богъ Еди́н, живота́ имѣяй и сме́рти
 власть,/ и спаса́яй во вре́мя ско́рби, и избавля́яй
 от всяка́го зла,/ Щедръ и Ми́лостивъ, и да́я
 преподо́бнымъ Свои́мъ благода́ть,/ и Свое́ю
 мы́шцею го́рдымъ противля́яся.

Премудрости Соломоновы чтѣние (главы́ 5 и 6):

Пра́ведницы во ве́ки живу́т, и в Го́споде
 мзда их,/ и попечѣ́ние их у Вы́шняго./ Сего́
 ра́ди прииму́т Ца́рствие благоле́пия/ и венѣцъ
 добро́ты от руки́ Госпо́дни,/ зане́ десни́цею

покры́ет я́ и мышцею́ защити́т их./ Прии́мет
 всеору́жие рвѣ́ние свое́/ и воору́жит тварь в
 месть враго́м./ Облече́тся в броня́ пра́вды/ и
 возложит шлем, суд нелицеме́рен./ Прии́мет щит
 непобеди́мый, преподо́бие,/ поостри́т же
 напрасный гнев во ору́жие,/ спобо́рет же с ним
 мир на безу́мныя./ Пойдут праволу́чныя стрѣ́лы
 мо́лниины/ и, я́ко от благокру́гла лу́ка облако́в,
 на наме́рение полетя́т,/ и от каменомѣ́тныя
 я́рости испо́льнъ паду́т гра́ды./ Вознегодю́ет на
 них вода́ морская́,/ ре́ки же потопя́т я́ на́гло./
 Сопроти́в ста́нет им Дух Си́лы/ и, я́ко ви́хор,
 разве́ет их,/ и опустоши́т всю зе́млю
 беззаконе́ние,/ и злоде́йство преврати́т престолы́
 си́льных./ Слы́шите у́бо, ца́рие, и разуме́йте,/
 навы́кните, судии́ концевъ зе́мли./ Внуши́те,
 держа́щии мно́жества,/ и гордя́щися о наро́дах
 язы́к,/ я́ко дана́ есть от Го́спода держа́ва вам/ и
 си́ла от Вы́шняго.

Премудрости Соломоновы чтение (глава 3):

Пра́ведных ду́ши в руце́ Бо́жией,/ и не
 прикосне́тся им му́ка./ Непщевани́ бы́ша во
 очесе́х безу́мных умре́ти,/ и вмени́ся озлобле́ние
 исхо́д их,/ и е́же от нас шѣ́ствие – сокруше́ние,/
 они́ же суть в ми́ре./ И́бо пред ли́цем
 челове́ческим а́ще и му́ку прии́мут,/ упова́ние

их безсмертія исполнено./ И вма́ле на́казани
 бы́вшие, вели́кими благоде́тельницами бу́дут,
 я́ко Бог иску́си я́ и обре́те их досто́йны Себе́./
 Я́ко зла́то в горни́ле, иску́си их/ и, я́ко всепло́дие
 же́ртвенное, при́ят я́./ И во вре́мя посе́щения их
 возсия́ют/ и, я́ко и́скры по сте́блию, потеку́т./
 Су́дят язы́ком и облада́ют людьми́,/ и воца́рится
 Госпо́дь в них во ве́ки./ Наде́ющиися Нань
 разуме́ют и́стину/ и ве́рнии в любви́ пребу́дут
 Ему́,/ я́ко благода́ть и ми́лость в преподо́бных
 Его́/ и посе́щение во избра́нных Его́.

На литіи стихи́ры, глас 2.

Подобен: Егда́ от Дре́ва:

Измла́да правосла́вному благоче́стию
 прилепи́вся,/ Афанáсие, о́тче священ́ный,/ от
 си́лы в си́лу шество́вал еси́,/ о́рган быв Свята́го
 Ду́ха,/ Его́же де́йствием све́тло укра́шен/ и
 песнопéнии Це́рковь Ру́сскую обогати́в,/
 па́стырь до́брый яви́лся еси́.

Сла́ва, глас 8:

Святи́телю и испове́днице Христо́в
 Афанáсие,/ поне́же не от ми́ра сего́ был еси́,
 сего́ ра́ди возненави́де тя мир,/ но, дерза́я на
 премно́гую бла́гость Победивша́го мир,/
 испове́довал еси́ Его́, я́ко и́стиннаго Бо́га,
 Го́спода Иису́са,/ Ему́же даде́ся вся́кая вла́сть

на Небеси́ и на земли́.// Тёмже сонаслѣдник
Ца́рствія Небѣснаго яви́лся еси́.

И ны́не, Богоро́дичен, глас то́йже, самогла́сен:

Сра́дуются с на́ми у́мная вся чинонача́лия,/
духо́вный совоку́пльше лик,/ ви́дяще Цари́цу и
Влады́чицу всех,/ мно́гоименне ве́рными
сла́виму:/ ра́дуются же и ду́си пра́ведных,/
су́щии зрите́лие видѣ́ния, — / на возду́се
моле́бно простира́ющу всечестне́и Свои́ ру́це,/
прося́щи умире́ния ми́ру,/ и земли́ Ру́сской
утвержде́ния// и спасе́ния душ на́ших.

На стихо́вне стихи́ры, глас 2.

Подобен: До́ме Евфра́фов:

Земле́ Ру́сская,/ гра́де святы́й,/ велича́й
святите́ля твоего́,/ иже пе́сньми божѣ́ственными
// ве́лий сонм святы́х просла́ви.

Стих: Бог мой еси́ Ты, // и испове́мся Тебе́.

Цѣ́рковь Ру́сская,/ красу́йся и лику́й,/ се бо
Афа́насий святите́ль/ Престо́лу Влады́чню// во
сла́ве предстои́т, ра́дуясь.

Стих: Отве́рзите мне врата́ пра́вды, // вшед
в ня, испове́мся Го́сподеви.

Святите́лю о́тче Афа́на́сие,/ архиере́ю
честне́йший,/ моли́ся ко Го́споду/ о земно́м
оте́честве твоём// и о почита́ющих тя любóвию.

Сла́ва, глас и подо́бен то́йже:

Но́вый до́ме Евфра́фов,/ уде́ле избра́нный,/ Русь Свята́я,/ храни́ ве́ру Правосла́вную,// в не́йже тебе́ утврѣжде́ние.

И ны́не, Богоро́дичен, глас 8.

Подо́бен: О, пресла́внаго чудесе́:

О, пресла́внаго чудесе́!/ Небесе́ и земли́ Цари́ца,/ от святы́х сродни́ков на́ших умоля́емая,/ доны́не зе́млю Ру́сскую покрыва́ет/ и ли́ка Своего́ изображе́нии ми́лостивно обогаща́ет./ О, Влады́чице Держа́вная!/ Не престáни и на бу́дущее вре́мя/ во утврѣжде́ние на Руси́ Правосла́вия// ми́лости и чудеса́ изливáти до ве́ка. Ами́нь.

Тропа́рь, глас 4:

Сла́вы Бо́жия ревни́теля/ и благоле́пия церко́внаго блюсти́теля,/ те́сным жити́ем и мно́гими по́двиги/ вели́кому иерáрху Алекса́ндрійскому подо́бника,/ святы́теля Афана́сия, испове́дника Росси́йскаго,/ усер́дно восхва́лим, ве́рнии./ Сей бо при́сно мо́лится/ о спасе́нии земна́го Оте́чества своего́/ и о всех, живу́щих в нем,/ велегла́сно с любóвию взыва́я:/ Русь́ свята́я,/ храни́ ве́ру Правосла́вную,// в не́йже тебе́ утврѣжде́ние.

НА УТРЕНИ

На Бог Господь: тропарь тойже. Слава, и ныне, Богородичен.

По 1-м стихословии седален, глас 5:

Сердце милующее имел еси, святителю отче Афанасие,/ расточая и давая убогим скудная имения твоя,/ ни единому же гонящему тя зла за зло воздая,/ сего ради милости от Бога сподобился еси/ и правда твоя пребывает в век века.

Слава, и ныне, Богородичен, глас 4:

Яко многоценное сокровище хранит град Шуя,/ чудесне написанную икону Твою,/ Пресвятая Владычице Дево Богородице,/ во исцеление лютыя язвы и во утешение православным Тобою дарованную,/ от неяже источники благодатныя милости и утешения и донныне обильно изливаются./ Пробави, Пречистая, и на будущее время милости Твоя ведущим Тя,/ храни град Твой и всю землю Русскую/ и спасай люди, к Тебе с верою и любовью притекающие. (Тропарь Шуйской-Смоленской иконе Богоматери, написанный святителем Афанасием)

По 2-м стихословии седален, глас 7:

Приим вся оружия Божия и облекся в броню правды,/ не плотию, но духом воинствовал еси,

святителю́ о́тче Афана́сие,/ и благода́тию
Бо́жиею испове́дал еси́ Иису́са Христа́, я́ко
Го́спода и Спаси́теля./ Его́же моли́ поми́ловати
нас в день лю́т.

Сла́ва, и ны́не, Богоро́дичен, глас 4:

Днесь́ све́тло красу́ется богохрани́мый град
Ковро́в,/ я́ко свяще́нный дар воспри́йм,
Влады́чице, святу́ю Твою́ ико́ну Смоле́нскую,/ к
не́йже мы притека́ем и вопи́ем:/ прибе́жище и
си́ла на́ша, Богоро́дице,/ держа́вная по́мощь
рабо́м Твои́м!/ Покры́й град Твой и окрестны́я
ве́си от вся́каго зла,/ зе́млю Ру́сскую в ми́ре
сохрани́,/ люде́й Твои́х в Правосла́вии утверди́,/ и к
Сы́ну Твоему́ моли́тву вознеси́ о спасе́нии
душ на́ших. *(Тропарь Ковровской-Смоленской
иконе Богоматери, написанный святителем
Афанасием)*

Велича́ние:

Велича́ем тя,/ свяще́нноиспове́днице
Афана́сие,/ и чтим святу́ю па́мять твою́,/ ты бо
моли́ши за нас// Христа́, Бо́га на́шего.

И́но велича́ние (поём пременя́юще):

Велича́ем тя,/ святителю́ и испове́днице
Христо́в Афана́сие,/ богодохнове́нными пе́снями
Церко́вь Ру́сскую украси́вшего/ и святы́х
сродни́ков на́ших// любо́вию воспев́шего.

Псалом избранный:

Испове́мся Тебе́, Го́споди, всем се́рдцем мо́им
о ми́лости Твое́й и и́стине Твое́й.

Го́спо́дь По́мощник мой, на Не́го упова́
се́рдце моё, и испове́мся Ему́.

Глаго́лах о свидéниях Твои́х пред ца́ри, и не
стыдя́хся.

Испове́мся и́мени Твоему́, Го́споди, я́ко
бла́го, я́ко от вся́кия печа́ли изба́вил мя еси́.

На Бо́га упова́х, не убою́ся, что сотвори́т мне
челове́к.

Изведи́ из темни́цы ду́шу мою́, испове́даться
и́мени Твоему́.

Поноше́ния понося́щих Ти нападо́ша на мя.

От бездн земли́ па́ки возве́л мя еси́, и́бо аз
испове́мся Тебе́ в лю́дех, Го́споди.

Веселите́ся, пра́веднии, о Го́споде, и
испове́дайте па́мь святы́ни Его́.

Да испове́дятся Тебе́, Го́споди, вся дела́ Твоя́.

По полиеле́и седа́лен, глас 4:

Прииди́те, празднолю́бцы и по́стницы,/
воспо́им благо́честия ревни́теля, Афана́сия
богоглаго́ливаго,/ и́же, я́ко труба́ та́инственная,
к духо́вному пéнию вся воздви́же,/ святы́х
земли́ Ру́сския восхваля́я/ и пéнии моле́бных
словéс Цéрковь Ру́сскую напая́я.

Сла́ва, и ны́не, Богоро́дичен:

К Засту́пнице страны́ нашея/ Присноде́ве
Богоро́дице притеце́м,/ и к первопи́санней
ико́не Ея́ ны́не припаде́м,/ с ве́рою зову́ще из
глубины́ души:/ О Ма́ти Бо́жия, спаси́ зе́млю
Ру́сскую,/ исцели́ сокруше́ние ея́ и ве́рныя лю́ди
уте́ши. (Тропа́рь Влади́мирской ико́не
Богома́тери из Службы́ Собору́ святы́х в земли́
Русской просия́вших)

Степе́нна 1-й антифо́н 4-го гла́са. Проки́мен,
глас 4: Че́стна́ пред Го́сподем// сме́рть
преподо́бных Его́. Стих: Что возда́м Го́сподеви о
всех, я́же воздаде́ ми. Вся́кое дыха́ние:
Ева́нгелие от Луки́, зача́ло 64.

По 50-м псалме́ стихи́ра, глас 6:

Прие́м си́лу, наше́дшу Свято́му Ду́ху на тя,/
святите́лю о́тче Афа́на́сие,/ свиде́тель Христо́в
во вре́мя безбо́жных гоне́ний/ в земли́
Росси́йстей был еси́,/ о́браз покая́ния и
испове́дания явля́я/ и богодохнове́нными
песнопе́нии ве́рныя укрепля́я./ Моли́ Христа́
Бо́га, па́стырю наш до́брый,/ / поми́ловати ду́ши
на́ша.

Канон, егѣже краегранѣсїе: Претерпѣвый до конца, той спасѣн бѣдет. Глас 8.

Песнь 1

*Ирмосъ: Колесницегонителя фараона
погрузи,/ чудотвори иногда/ Моисѣйский жезл,
крестообразно поразив,/ и разделив море,/ Израиля же беглеца, пешеходца спасе, // песнь
Богви воспевающа.*

Приими пѣние и хвалѣние наше, святителю
Афанасіе,/ ты бо, поношенїя и раны, заточѣние
и изгнанїе, и горькія работы Христа ради
претерпѣв,/ в Царствїе Небесное вшел еси,/
идеже о нас молиши и зываеши:/ Русь Святая,
храни веру православную,/ в нейже тебе
утвержденїе.

Ревностию по Бозе распалаемъ, святителю
Афанасіе,/ море неверїя и злочестїа прошел
еси,/ и земли обетованныя, рай сладости, достиг
еси,/ идеже со всеми святыми земли Россійския
зываеши:/ Русь Святая, храни веру
православную,/ в нейже тебе утвержденїе.

Егда дадеся ти, святителю, благодать,/ не
точию во Христа православно веровати, но и по
Нем страдати и Его исповѣдати,/ образ верным
сыновом Россійским явил еси, зывая:/ Русь
Святая, храни веру православную,/ в нейже
тебе утвержденїе.

Богорóдичен: Тебé, Пречíстая Дéво, возопи
Архángел:/ благословén Плод чрéва Твоегó,
Богоневéсто,/ тёмже и мы, рабí Твой, я́ко
и́стинную Богомáтерь, правосла́вно Тя велича́ем.

Песнь 3

*Ирмо́с: Утвержде́й на ка́мени ве́ры,/ на сем
сози́жду Мою́ Це́рковь, рекий, Го́споди,/ спаси́
мя, вопию́ща:/ Ты еси́, Христé, Сын Бо́га
Жива́го, // и в Тебé утверди́ся дух мой.*

Егда́ отсту́пницы нечестивии воста́ша на
Го́спода и на святы́х Его́,/ тогда́ ты, богому́дре
Афанáсие, нелóжно уча́ше,/ ка́ко подобáет в
дому́ Бо́жии жити́,/ я́же есть Це́рковь Бо́га
Жи́ва, столп и утвержде́ние и́стины.

Реко́ша отсту́пницы в безу́мий своём:/ несть
Бог, приидите и отста́вим вся прáздники Бо́жия
от земли́ Ру́сския./ Ты же, святителю́ Афанáсие,
люде́м поколебáвшимся вопия́л еси́:/ Русь
Свята́я, храни́ ве́ру правосла́вную, в не́йже тебе́
утвержде́ние.

Повелева́л еси́ апо́стольски ве́рным,
Афанáсие богодухновénне,/ отлучáтися вся́каго
бра́та, безчи́нно ходя́ща, а не по преда́нию,/ и
благода́тию утвержда́ти сердца́.

Богорóдичен: Еди́на плóтию Бо́га ро́ждшая,
мо́лимся Ти, Чи́стая:/ изба́ви се́тей вра́жиих
ду́ши на́ша/ и утверди́ на ка́мени

Божественных заповедей,/ яко на Тя упование
возложихом.

Седáлен, глас 4:

Взира́я на Нача́льника ве́ры и Соверши́теля
Иису́са, святи́телю о́тче Афа́на́сие,/ благода́тию
не́мощь естества́ челове́ческаго превозмо́гл еси́:/
в го́рьких рабо́тах мно́жае,/ в ра́нах пребо́ле,/ в
темни́цах изли́ха, близ сме́рти мно́гаци,/ во
изгна́нии надóлзе пребыва́я,/ бе́ды от гони́телей,
бе́ды от лжебра́тии безро́отно терпе́л еси́/ и
пра́вду яви́л еси́./ Те́мже жи́зни ве́чныя ны́не
наслажда́ешься.

Сла́ва, и ны́не, Богоро́дичен:

Днесь свѣ́то красу́ется сла́внейший град
Влади́мир,/ ра́достно соверша́я, Влади́чице,/
пра́здник явле́ния Твоего́ святи́телю Макси́му,/
его́же ны́не воспомина́юще и моля́щеся Тебе́,
взыва́ем си́це:/ о, Пречу́дная Влади́чице
Богоро́дице,/ моли́ся Превѣ́чному Архиере́ю –
Сы́ну Твоему́,/ да Це́рковь Правосла́вную
непоколеб́иму утверди́т,/ град сто́льный
Влади́мир и всю зе́млю Ру́сскую в ми́ре
сохрани́т/ и спасе́т в право́верии ду́ши на́ша.
*(Тропа́рь Максимовской иконе Богоматери,
написанный святителем Афанасием)*

Песнь 4

Ирмос: Ты моя крепость, Господи,/ Ты моя и сила,/ Ты мой Бог, Ты мое радование,/ не оставль недра Отца,/ и нашу нищету посети./ Тем с пророком Аввакумом зову Ти:// силе Твоей Слава, Человеколюбче.

Всякая печаль упраздняется молебными пения твоими, святителю Афанасие,/ слово бо твое, благодатию исполненное,/ воздвизает вся славить Единого Человеколюбца.

Исповедал еси Господа пред отступники и гонители, со пророком взывая:/ с нами Бог, разумейте и покаряйтесь,/ страха же вашего не убоимся, ниже смутимся,/ Господа же Бога нашего Того святим, Единого Человеколюбца.

И даже до старости не остави тя Господь, святителю Афанасие,/ дондеже мышцу Его роду грядущему возвестил еси, наставляя:/ яко аще не Господь помог бы нам, не помянулося бы имя Руси Святыя ктому,/ ныне же прославляем Единого Человеколюбца.

Богородичен: Доброту Иаковлю, Юже возлюби, Пребезначальное Слово от века избра/ и, вселив в Ню, обнови человеческое естество./ Темже прославляем Его, Единого Человеколюбца.

Песнь 5

Ирмос: Яко Бога иного, Блаже, / паче Тебе, не знаем, / к Тебе, Свету Незаходимому, от нощи утренююще, // воспеваем Тя, Человеколюбче.

От паствы разлучен быв, святителю, / Христа исповедал еси во изгнании, / темже правило веры и образ благочестия ближним и дальним показал еси, / прославляя Господа Человеколюбца.

Круг богослужбный по вся дни исполняя, святителю Афанасие, / устав церковный верным изъяснил еси, / научая люди воспевати Господа Человеколюбца.

От лютыя смерти избави тя Бог, / да возможши утешати сущия в скорбех и печалех, / научая тья прославляти Помощника и Покровителя, / Господа Человеколюбца.

Богородичен: Направи мя к покаянию, Небо Умное, Солнце правды нам возсиявшее, / яко да узрю свет спасения, Владычице Чистая, / и прославлю Господа Человеколюбца.

Песнь 6

Ирмос: Иону в ките, Господи, / единого вселил еси, / мене же, связанного мрежами вражиями, // яко от тли онаго спаси.

Церковь Российская воспевает подвиги твои, святителю Афанасие, / ты бо, забыв житейская и

небре́г телесна́я жи́зни ра́ди бу́дущия, / то́я наследи́к яви́лся еси́ и ны́не мо́лишися о ду́шах на́ших.

А́ще и обу́рева́еми гоне́нии безбо́жными бы́ша лю́дие ве́рнии, / оба́че словесы́ твои́ми на спасе́ния стези́ упра́вил еси́ ты́я, / о́тче Афана́сие богоглаго́ливе.

Те́кл еси́ те́сным путе́м, ра́дуясь, Афана́сие великоиме́ните, / пе́сни тво́я со слеза́ми покая́ния и испове́дания, / я́ко же́ртву благоприя́тную, Бо́гу прино́ся.

Богоро́дичен: О́святи́ ум мой и просвети́ се́рдце моё́, Пресвята́я Ма́ти Бо́жия, / и обде́ржащих мя зол изба́ви, христиа́н Засту́пнице.

Конда́к, глас 3:

Днесь Афана́сий святи́тель, / Христо́в испове́дник и пра́ведник, / в невече́рнем Ца́рстве Сла́вы / све́тло лику́ет / и в со́нме всех Ру́сских святы́х, / все́соста́вным гла́сом победну́ю песнь воспева́я, / приле́жно мо́лит о нас // Пре́вечнаго Триеди́наго Бо́га.

И́кос:

Днесь, ве́рнии, соше́дшеся, восхва́лим святи́теля Афана́сия, / безсме́ртια тезоимени́таго, ревни́теля Правосла́вия, /

бл҃юститѣлѣ бл҃гочестіѣ, обличитѣлѣ
отступников,/ проповѣдника покаянія,/
песнопѣнии досточудными святых,/ в земли
Россійстей просіявших, прославьшаго,/ той бо
прилѣжно молит о нас Превѣчнаго Трїеди́наго
Бо́га.

Песнь 7

*Ирмос: Божія снѣзхожденія/ огонь устыдѣся
в Вавилоне иногда./ Сего ради отроцы в пещи,
радованною ногою,/ яко во цветнице, ликующе,
пояху:// благословен еси, Бо́же отецъ наших.*

Имеѣя щит вѣры правосла́вныя,/ стрѣлы
разжженныя мучителей отражал еси, со
проро́ком вопия:/ аще бо па́ки возмо́жете, и
па́ки побеждѣни бу́дете,/ аз же воспою:/
благословѣн Бог отецъ наших.

Со беззаконными вмени́вся, кротчайший
оте́че,/ путе́м нечестивых никогда́же ходил еси и
ненавиди́мь Го́спода ради был еси,/ обаче
малоду́шие и ро́пот не поколеба́ се́рдце твоѣ./
Те́мже любви́ю воспева́л еси Бо́га отецъ наших.

Поко́я не имѣл еси, мно́гими содержи́мь
напа́стьми и во узи́лищи пребыва́я, яко во рву
льви́ном,/ но, наде́ясь на Бо́га, возста́вляющаго
ме́ртвыя, взыва́л еси:/ благословѣн Бог отецъ
наших.

Богорóдичен: А́гнца зря́щи воздви́жаема на
Дре́ве непра́ведне,/ Непорóчная А́гница,
мáтерски слезя́щи,/ долготерпéние воспевáше
Сы́на Своего́ и Бо́га оте́ц на́ших.

Песнь 8

Ирмо́с: Нечéстия о́рганы ину́ю песнь,/
благочéстия же благовещáннии пояху́ гу́сли://
благослови́те, дела́ Господня́, Христа́ во ве́ки.

Си́лою благода́тною Ца́рствие Бо́жие
блíжним и да́льным благовествова́л еси́,
святите́лю Афанáсие,/ да испове́дают лю́дие
ру́сстии Го́спода во ве́ки.

Еде́мом свéтлым узи́лище мра́чное соде́лав,/
ре́ку божéственных песнопéний источи́л еси́,
иерáрше богоглаго́ливый,/ да почерпа́ют лю́дие
ру́сстии весéлие духо́вное и благословя́т Го́спода
во ве́ки.

Но́вый испове́дник Це́ркве Правосла́вныя,
святите́лю Афанáсие,/ и обите́ль Ду́ха Свята́го
яви́лся еси́,/ Его́же со Отце́м и Сы́ном
воспева́еши во ве́ки.

Богорóдичен: Безсме́ртнаго Бо́га ро́ждшая,/
тече́ние сме́ртное укроти́ла еси́,/ те́мже умертви́,
Чи́стая, страсти́ телесе́ моего́,/ да Тя сла́влю во
ве́ки.

Песнь 9

Ирмос: Благословѣнъ Господь, Бог Израилев,/ воздвигнувый рог спасения нам/ в дому Давидове, отрока Своего,/ в нихже посети нас Восток с высоты// и направил ны есть на путь мира.

Умом твоим Горняя созерцая,
терпеливодушне Афанасие,/ в страданиях Бога,
яко Помощника и Покровителя, призывал еси:/
Твой есмь аз, спаси мя, и направи на путь мирен.

Денно и нощно теплейшия молитвы творил еси,
святителю Афанасие,/ егда иноплеменицы гордии грех ради наших на Русь ополчшася,
ты же, святче, вопиял еси:/ пощади, пощади,
Господи, Отечество наше/ и направи мир весь на путь мирен.

Елико суди Господь меру дний жития твоего,/ благочестно исполнил еси, святителю Афанасие./
Ныне же, предстоя Престолу Вседержителя, молиши Его,/ да направит люди Своя на путь мира.

Богородичен: Тя верою и любовию воспевающая/ просвети, Всенепорочная Владычице,/ и тьмы кромешныя изми молитвенным предстательством к Сыну Твоему и Богу нашему.

Светілен:

Предста́вил еси́ себе́ жѣ́ртву жи́ву Бо́гови,/
свѣ́ту, благоу́годну и непоро́чну в словѣ́снем
служѣ́нии и испове́дании,/ свѣ́тителю Хри́стов
Афа́на́сие,/ и та́ко просвети́ся свет твой пред
челове́ки,/ я́ко сла́вят вы́ну о тебѣ́ Отца́
Небе́снаго.

Сла́ва, ин светі́лен:

Печа́льнику землі́ Ру́сскія́ преподо́бному
Сѣ́ргію тезоимені́т сый,/ от ю́ности того́
возлю́бил еси́, свѣ́те Афа́на́сие,/ и той, я́ко
второ́е со́лнце, жити́е твоѣ́ озаря́ше,/ с ни́мже
ку́пно моли́ Триеди́наго Бо́га о спасѣ́нии душ
наших.

И ны́не, Богоро́дичен:

Свет Незахо́димый ми́ру ро́ждшая,/
свѣ́лости свѣ́тых сподо́би лю́ди землі́ Ру́сскія́,
Тебе́ почита́ющія,/ и благода́реніе от души́
принося́щія и вопи́ющія:/ не забу́ди рабы́ Твоя́,
Еди́на Благосло́венная.

На хвали́тех стихи́ры, глас 4:

Свѣ́тителю́ о́тче Афа́на́сие всехва́льне,/ ты в
годи́ну лю́тых гоне́ний на ве́ру Хри́стову,/ у́зами
и ра́нами иску́сился,/ в лишѣ́ниях, изгна́ниях и
гору́чих рабо́тах многоле́тне пребы́вая,/ Це́рковь
Ру́сскую песнопѣ́нии украси́л еси́/ и столп
Правосла́вия яви́лся еси́./ Сего́ ра́ди в час

кончи́ны твоея́/ вси святи́и земли́ Росси́йския
яви́шася тебѣ́,/ с ни́миже, ны́не Престо́лу
Бо́жию предсто́я, // моли́ спасти́ и просвети́ти
ду́ши на́ша.

Святи́телю о́тче Афа́на́сие богоно́сне,/ ты,
яко свети́льник пресве́тлый, яви́лся еси́,/ егда́ бо
нече́стие омрачи́ зе́млю на́шу,/ пра́вду Бо́жию
со дерзнове́нием пропове́дал еси́/ и,
оскорбля́емъ, гони́мъ и низлага́емъ,/ Бо́гу ве́рен
оста́лся еси́./ Сего́ ра́ди свиде́тель и́стинен быв,/
страда́ния ново́мучеников Росси́йских
запечатле́л еси́,/ с ни́миже, ны́не Престо́лу
Бо́жию предсто́я, // моли́ спасти́ и просвети́ти
ду́ши на́ша.

Святи́телю Афа́на́сие богоблаже́нне,/ ты, по
сло́ву Госпо́дню любо́вь ко враго́м явля́я,
клену́щия тя благословля́ше,/ ненави́дящим тя
добро́ творя́ше/ и за зло де́ющих ти моля́щеся,
те́мже и́стинным сы́ном Отца́ Небе́снаго
наре́клся еси́./ Сего́ ра́ди, дерзнове́ние ве́лие
име́яй,/ в собо́ре святы́х земли́ Росси́йския
лику́еши/ и с ни́ми Престо́лу Бо́жию
предсто́йши, // моля́ спасти́ и просвети́ти ду́ши
на́ша.

Иеру́сали́ма Вы́шняго гра́жданы,/ от земли́
Ру́сския возсия́вшия/ и вся́кое ме́сто ея́
освяти́вшия,/ во дни же обстоя́ний сугу́бо за ню́
предста́тельствующия,/ ихже́ чрез все жити́е

воспева́л еси́,/ яви́шася с Го́сподем пред
кончи́ною твое́ю утѣ́шити ду́шу твою́,/ я́ко не
ве́дети ти, в те́ле или́ кромѣ́ те́ла,/ на землі́ или́
на Небеси́ был еси́, святи́телю Афанáсие, // Бо́га
дѣ́внаго во свѣ́тыхъ восхваля́я.

Сла́ва, глас 8:

Прииди́те, правосла́внии лю́дие,/ просла́вим
святи́теля Афанáсия,/ той бо со все́ми свѣ́тыми,
в землі́ Росси́йстей просия́вшими,/ предстои́т
Триипоста́сному Бо́гу/ и со дерзнове́нием
мо́лится:/ Русь Свѣ́тая,/ храни́ ве́ру
Правосла́вную, // в не́йже тебѣ́ утвержде́ние.

И ны́не, Богоро́дичен, глас то́йже.

Подобѣ́н: О, пресла́внаго чудесе́:

О, пресла́внаго чудесе́!/ Небесе́ и землі́
Цари́ца,/ от свѣ́тыхъ сро́дниковъ на́ших
умоля́емая,/ до ны́не зе́млю Ру́сскую покрыва́ет/
и ли́ка Своего́ изображе́нии ми́лостивно
обогаща́ет./ О, Влады́чице Держа́вная!/ Не
престáни и на бу́дущее вре́мя/ во утвержде́ние
на Руси́ Правосла́вия// ми́лости и чудеса́
излива́ти до ве́ка. Ами́нь.

НА ЛИТУРГИИ

Блаже́нны от канона́, пе́сни 3-я и 6-я.

Проки́мен, глас 7: Испо́вемся Тебе́,
Го́споди, // всем се́рдцем мо́им.

Стих: А́ще пойду́ посреде́ ско́рби, живи́ши
мя.

Апо́стол ко Ефесе́ем, зача́ло 233.

Аллилу́ия, глас 2: Пра́веднии испо́ведятся
и́мени Твоему́, и все́лятся пра́вии с лице́м
Твои́м.

Стих: Го́споди, Го́споди, Си́ло спасе́ния
моего́, осеня́л еси́ над главо́ю мое́ю в день бра́ни.

Ева́нгелие Луки́, зача́ло 64.

Прича́стен: В па́мять ве́чную бу́дет
пра́ведник:

**[Утверждена Священным Синодом
Русской Православной Церкви
4.10.2012 (журнал № 97).]**

